

ხელშეკრულება სახელმწიფო შესყიდვის შესახებ №162  
(კლასიფიკატორის კოდი 55330000)

ბათუმი, დასახლება მწვანე კონცხი

24 ნოემბერი 2016 წელი

ერთის მხრივ, ა(ა)იპ-„ბათუმის ბოტანიკური ბაღი“ (შემდგომში-„შემსყიდველი“), წარმოდგენილი მისი დირექტორის ირაკლი არჩაიას სახით და მეორეს მხრივ, შ.პ.ს. „კოლხური სახლი“ (შემდგომში-„მიმწოდებელი“), წარმოდგენილი მისი დირექტორის მერაბ დოლიძის სახით „სახელმწიფო შესყიდვების შესახებ“ საქართველოს კანონის მე-7 მუხლის 1 პუნქტის „ა“ ქვეპუნქტისა და „გამარტივებული შესყიდვის“, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-3 მუხლის 1 პუნქტის „ვ“ ქვეპუნქტის საფუძველზე, დავდეთ წინამდებარე ხელშეკრულება შემდეგზე:

1. ხელშეკრულების საგანი

- 1.1. ხელშეკრულების საგანს წარმოადგენს ბათუმის ბოტანიკურ ბაღში სტუმრად მყოფი საქართველოს ეროვნული ბოტანიკური ბაღის დელეგაციისათვის სადილით გამასპინძლება 8 პერსონაზე (შემდგომში - „მომსახურება“);
- 1.2. შესყიდვის ობიექტის რაოდენობა და ერთეულის ფასი განისაზღვრება ფორმა №3-ის მიხედვით, რომელიც წარმოადგენს ხელშეკრულების განუყოფელ ნაწილს.

2. ანგარიშსწორების ვალუტა

- 2.1. ანგარიშსწორება მიმწოდებელთან განხორციელდება ეროვნულ ვალუტაში (ლარებში).

3. ღირებულება და ანგარიშსწორების წესი

- 3.1. მომსახურების ფასი შეადგენს 293,70 (ორასოთხმოდცაცამეტი ლარი 70 თეთრი) ლარს არასაბიუჯეტო (საკუთარი) სახსრებიდან;
- 3.2. მომსახურების ღირებულება შეიცავს საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი;
- 3.3. ანგარიშსწორება განხორციელდება გაწეული მომსახურების შესაბამისად, გადარიცხვის ფორმით ხელშეკრულებით გათვალისწინებულ რეკვიზიტებზე, მიღება-ჩაბარების აქტის გაფორმებიდან არაუმეტეს 10 (ათი) სამუშაო დღის განმავლობაში ან მიმწოდებლის მხრიდან პირგასამტეხლოს ჩარიცხვის შემდეგ (ასეთის არსებობის შემთხვევაში) 5 (ხუთი) სამუშაო დღის განმავლობაში;

4. მომსახურების შესაბამისობა

- 4.1. მიმწოდებლის მიერ ხელშეკრულების თანახმად მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შესაბამებოდეს საქართველოში მოქმედ წესებსა და ნორმებს;
- 4.2. 4.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

5. მომსახურების მიღება – ჩაბარება



## 5. მომსახურების მიღება – ჩაბარება

- 5.1. მომსახურების მიღება ჩაბარება გაფორმდება ხელშეკრულების შესაბამისად მიმწოდებლის მიერ მომსახურების გაწევის შემდგომ;
- 5.2. თუ მომსახურება არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად;
- 5.3. შემოწმების შედეგად გამოვლენილი დეფექტის ან ნაკლის აღმოფხვრასთან, ხელახლა შემოწმებასთან დაკავშირებული ხარჯების ანაზღაურება ეკისრება მიმწოდებელს.
- 5.4. შემსყიდველის მხრიდან მიღება-ჩაბარების აქტის ხელმოწერი პირია ბათუმის ბოტანიკური ბაღის მარკეტინგის დეპარტამენტის უფროსის მ.შ. ლევან ლეონიძე.

## 6. ხელშეკრულების შესრულების კონტროლი

- 6.1. შემსყიდველი უფლებამოსილია მოახდინოს მომსახურების ინსპექტირება;
- 6.2. ხელშეკრულების შესრულების კონტროლს (ინსპექტირებას) ახორციელებენ ბოტანიკური ბაღის მარკეტინგის დეპარტამენტის უფროსის მ.შ. ლევან ლეონიძე ან/და ამ საქმიანობისათვის საჭირო მოწვეული სპეციალისტი (სპეციალისტა ჯგუფი);
- 6.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ;
- 6.4. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

## 7. მხარეთა უფლება-მოვალეობანი

- 7.1. შემსყიდველს უფლება აქვს:
  - ა) შეამოწმოს მომსახურების გაწევის შესაბამისობა ხელშეკრულებით გათვალისწინებულ პირობებთან;
  - ბ) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- 7.2. შემსყიდველი ვალდებულია:
  - ა) აუნაზღაუროს მიმწოდებელს მომსახურების ღირებულება წინამდებარე ხელშეკრულებით გათვალისწინებული პირობებით;
  - ბ) დაიცვას ხელშეკრულებით გათვალისწინებული ყველა პირობა.
- 7.3. მიმწოდებელს უფლება აქვს:
  - ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული პირობებით;
- 7.4. მიმწოდებელი ვალდებულია:
  - ა) კეთილსინდისიერად შეასრულოს ხელშეკრულების 1.1 პუნქტის საფუძველზე ნაკისრი ვალდებულებები;
  - ბ) მომსახურება გაუწიოს წინამდებარე ხელშეკრულებით გათვალისწინებულ ვადებში;
  - გ) მომსახურების გაწევის პროცესში იხელმძღვანელოს ამ ხელშეკრულების 4.1. პუნქტში გათვალისწინებული წესებითა და პირობებით;
  - დ) საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;
  - ე) ანგარიშსწორებისას მიუთითოს ფაქტიურად გაწეული მომსახურების ღირებულება და წარმოადგინოს შესაბამისი დოკუმენტაცია;
  - ვ) დაიცვას ხელშეკრულებით გათვალისწინებული ყველა პირობა.



## 8. ხელშეკრულების პირობების შეუსრულებლობა და მხარეთა პასუხისმგებლობა

- 8.1. ფორს-მაჟორული სიტუაციების გარდა, მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად;
- 8.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობით;
- 8.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით;
- 8.4. ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს მოქმედი კანონმდებლობის შესაბამისი ნორმები;
- 8.5. შემსყიდველი უფლებამოსილია მომსახურების ვადის გადაცილების შემთხვევაში, დააკისროს შემსრულებელს პირგასამტეხლო ყოველ გადაგადაცილებულ დღეზე სახელშეკრულებო ფასის 0.5%-ის ოდენობით;
- 8.6. პირგასამტეხლოს მიმწოდებელი შემსყიდველს უხდის პირად საბანკო ანგარიშზე ჩარიცხვის წესით, არაუგვიანეს მომსახურების გაწევის შემდგომ მიღება-ჩაბარების აქტის გაფორმებიდან 5 (ხუთი) სამუშაო დღის განმავლობაში;
- 8.7. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაგადაცილებულ დღეზე, გადაუხდელი თანხის 0.5%-ის ოდენობით;
- 8.8. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

## 9. ფორს-მაჟორი

- 9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა და რომლებიც უშუალო ზემოქმედებას ახდენენ ხელშეკრულების შესრულებაზე;
- 9.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე; ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

## 10. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 11. ხელშეკრულების ენა

ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, შესრულდება ქართულ ენაზე.



## 12. სხვა პირობები

- 12.1. ხელშეკრულება ძალაში შედის მხარეების მიერ ხელმოწერის დღიდან;
- 12.2. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე;
- 12.3. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;
- 12.4. მხარეთა შორის წარმოშობილი სადაო საკითხები წყდება ურთიერთშეთანხმებითა და მოლაპარაკების გზით; იმ შემთხვევაში, თუ კონსენსუსი არ იქნება მიღწეული უთანხმოების წარმოშობიდან 10 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად;
- 12.5. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 12.6. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 12.7. ხელშეკრულება იდება ორი ერთნაირი იურიდიული ძალის მქონე ეგზემპლარად, ერთი ეგზემპლარი ინახება „მიმწოდებელთან“, ხოლო მეორე „შემსყიდველთან“.

## 13. მომსახურების გაწევისა და ხელშეკრულების მოქმედების ვადა

- 13.1. მომსახურების გაწევის ვადაა 2016 წლის 25 ნოემბერი;
- 13.2. მომსახურების გაწევის ადგილია :ქ.ბათუმი, შ.ხიმშიაშვილის ქ№10,რესტორანი „აჭარული სახლი“;
- 13.3. ხელშეკრულება ძალაშია მხარეთა მიერ ხელმოწერის დღიდან და მისი მოქმედების ვადაა 2016 წლის 30 დეკემბრის ჩათვლით.

## 14. მხარეთა რეკვიზიტები და ხელმოწერები

“შემსყიდველი”

ა(ა)იპ-ბათუმის ბოტანიკური ბაღი  
საიდენტიფიკაციო კოდი: 245615963  
მისამართი: ბათუმი, დასახლება მწვანე კონცხი.  
ტელეფონი: (0422) 27 00 33  
სახელმწიფო ხაზინა;  
შემოსავლის სახაზინო კოდი: TRESGE22  
ა/ა №740717501

„მიმწოდებელი“

შ.პ.ს „კოლხური სახლი“  
მისამართი: ქ.ბათუმი,  
შ.ხიმშიაშვილის ქ№10  
ს/კ: 245593497  
ტელეფონი: 0422 211818; 0422 244944  
სს „საქართველოს ბანკი“  
ბანკის კოდი BAGAGE22  
ა/ა: GE48BG000000702016300

დირექტორი  
ირაკლი არჩაია




დირექტორი  
მერაბ დოლიძე



ინფორმაცია ფასებისა და მიწოდების გრაფიკის შესახებ  
ფორმა №3

№	CPV	დასახელება	რაო-ბა	ერთეულის ფასი	საერთო თანხა	მომსახურების გაწევის თარიღი
1	55330000	პური	2	2,00	4,00	2016 წლის 25 ნოემბერი
2	55330000	ტყემალი	2	1,50	3,00	
3	55330000	მჭადი	8	1,50	12,00	
4	55330000	ყველის ასორტი	2	9,00	18,00	
5	55330000	ფხალის ასორტი	2	8,00	16,00	
6	55330000	ბადრიჯანი ნიგვზით	3	4,50	13,50	
7	55330000	კ/პ სალათი	2	5,00	10,00	
8	55330000	ცეზარი	2	8,00	16,00	
9	55330000	კარტოფილი ოჯახურად	2	5,00	10,00	
10	55330000	ოსტრი	2	8,00	16,00	
11	55330000	სინორი	2	4,00	8,00	
12	55330000	ბორანო	2	5,00	10,00	
13	55330000	ჩაქონდრილი	2	10,00	20,00	
14	55330000	აჩმა	8	2,50	20,00	
15	55330000	ყაურმა	2	11,00	22,00	
16	55330000	ხაჭაპური იმერული	1	8,00	8,00	
17	55330000	ყავა	8	1,50	12,00	
18	55330000	ლიმონათი	3	2,00	6,00	
19	55330000	მწვადი ქათმის	2	7,00	14,00	
20	55330000	ღორის მწვადი	2	9,00	18,00	
21	55330000	ნაბეღლავე	3	2,00	6,00	
22	55330000	წყალი	3	1,50	4,50	
		ჯამი			267,00	
		მომსახურების %	10%		26,70	
		სულ ჯამი			<b>293,70</b>	

დირექტორი \_\_\_\_\_ მერაბ დოლიძე



ინტერესთა კონფლიქტის შესახებ

ქ.ბათუმი, დასახლება მწვანე კონცხი

24 ნოემბერი 2016 წელი

ვადასტურებ, რომ ბათუმის ბოტანიკური ბაღის მიერ გამარტივებული შესყიდვის საშუალებით, ბათუმის ბოტანიკურ ბაღში სტუმრად მყოფი საქართველოს ეროვნული ბოტანიკური ბაღის დელეგაციისათვის (8 პერსონაზე) სადილით გამასპინძლების მომსახურების შესყიდვის საქმიანობაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.

დირექტორი



ირაკლი არჩაია

მარკეტინგის დეპარტამენტის  
უფროსის მ.შ.



ლევან ლეონიძე